

Mbeti á Polo sú fœ azu Kolose Tshatshu o'o

Kolose kœdœ lima anga ongbo bale lœ ogo Azi Minere á i'irincœ kœdœ kpesheke Turki. Polo wuwuta lima ga lœ ongbonœ ascœmœ nene, kashe yanganœ lœma akwa á i'iri ye kœdœ Epafraze á tshe kœdœ adja gbolo ogo Kolosencœ. Œshe kœdœ ali uzu á tshe yisœ Œtsho O'o nœ Yisu Kristu 6a lœ ogo Kolose.

Lœkœ á Polo sœ lœ kanga 6a lœ Roma, Epafraze na kœwu she œ pa lima fœ she adœke aayi kœyisœrœ dœ wala na, œ sœ kœyindœ kœndi tshelœ kœyindœrœ nœ azu Kolose. Ba ndœ azunœ ascœmœ, uzu kœsœ dœ kœyindœrœ ga ndœ Nd-jaba yé á yindœ kœgbœ soro neke á ka nene, œ li adœke tshe donga aandjelu, tshe mbœrœtœ ye lindœ œrœ ogo ye: œrœ 6ata kœwa gaza, kœzirœ, kœendjorœ... Kœdji tœnœ ataa, Polo su mbetincœ ascœke fœ azu Kolose mbœrœ kpa kœyisœ nœ fœ endje adœke, Yisu ropa ishiri kœ yé kolœ mbœrœ kœyindœrœ ga ndœ ye dá uzu œ gbœ soro neke á ka nene. Tshe vwa mbetincœ fœ endje lœ awa nœ Tishike œdœ Onezime.

Mbetincœ kurutshelœtœ ye atake:

- Tshatshu o'o (1.1-8)
- Mara kœsœ nœ Yisu Kristu dœ akwa nœ ye (1.9-2.19)
- Mara tafo soro 6a ndœ Kristu (2.20-4.6)
- Ndœngœlœ o'o (4.7-18)

Abala

¹ Ćemœ Polo á Ndjaba ke mœ adœke mœ te ayi avwa nœ Yisu Kristu, œmœ œdœ aya azœ dœ Timote,

² a sœ kœsu mbetincœ asœ fœ 'e dœ ayerœ azu nœ Ndjaba 6a lakpi Kolose, á 'e sœ kœmbœœœtœ 'e lindœ kœyindœœœ ga ndœ Kristu. Kaka Aba azœ dœ Ndjaba ma ɔtshɔ lœsu nœ ye ga ndœ 'e yé œ za kœsœ gee nœ ye fœ 'e.

Avwala nœ Polo mbœœœ Akolose

³ ɔlɔ dœ ɔlɔ 'a sœ kœza mershe fœ Ndjaba, Aba Gbozu nœ azœ dœ Yisu Kristu, lœ avwala nœ 'a fœ she tœ upu nœ 'e.

⁴ Gbambanœ nene, 'a djindœ kœyindœœœ nœ 'e ga ndœ Yisu Kristu œdœ pe mara kœyindœsho á 'e sœ dœ tœncœ ga ndœ ayerœ azu nœ Ndjaba para kɔkɔ.

⁵ 'E sœ kœmbœœœ atamœ mbœœœ á 'e sœ kœza lœsu 'e ga pa ɔtshœœœ á Ndjaba gbœndœ nœ kate 'e 6a lafo. Gbambanœ nene, gbœgbœ nœ kœza lœsu 'e to lœ awa nœ adjapu á 'e dji lima utshunœ á dœ ɔtshɔ O'o.

⁶ ɔtshɔ O'onœ kurutshœœœ ye pa ɔshɔ djigi yé œ sœ kœmbœœœ akwa na tœncœ veveve ko 6ata á ma lima tœ ye ugurutœ 'e, pe dœ lœkɔ á 'e gbœ lima yé á wu ndje sœ ɔtshɔ lœsu nœ Ndjaba á tshe ma adja fœ azu.

⁷ Aya 'a dœ Epafraze á a yindœ ye waa, á tshe sœ kœmbœœœ akwa awa bale dœ 'a dá yi lima sœ nœ fœ 'e. Tshe sœ ga lœ kudu 'a 6a ndœ 'e 6ata adja ayi akwa nœ Kristu,

⁸ yé tshe pa lima ndœ mara kœyindœsho á ɔtshɔ Ishiri za ga lœ 'e fœ 'a kɔ.

⁹ Mbœrœe toenœe atamœe, á koeto kpœetœe olo á 'a djindœe nœe, 'a kakatœe kœeza avwala nœe 'a fœe Ndjaba tœe upu nœe 'e nene. 'A sœe kœeyu she adœeke tshe yisœe gbetshelœe nœe ye djigi fœe 'e, mangba kœewusœetœe kœe œedœe kœewusœerœe á Ɔtshœ Ishiri to.

¹⁰ Ataa, 'e mbœerœetœe 'e bœata azu nœe Gbozu nœe azœe yœe kœembœerœe œerœe nœe 'e œe za yanga waa dœe waa fœe she. Lœe œerœe kœe, 'e li kœembœerœe Ɔtshœrœe yœe 'e wusœe Ndjaba kœeropa nœe.

¹¹ Ndjaba to gbœgbœ nœe ye á sœe dœe mokœe waa fœe 'e adœeke 'e sœe dœe ugu lœsu, yœe œe wusœe kœeshi gbi lœe œeneke kœe á wuta ga tœe 'e.

¹² 'E gi mershe dœe yanga fœe Aba azœe dœe Ndjaba á tshe guma 'e adœeke 'e gbœ ndje Ɔtshœrœe á tshe gbœndœe nœe kate ayerœe azu bœa lœe ogo ishiri nœe ye.

¹³ Tshe ko azœe lœe kanga nœe ubu osho, yœe œe gi azœe ga lœe ogo tshagbozu nœe Gbolo nœe ye á tshe yindœe ye kœeropa nœe.

¹⁴ Dœe awa nœe Gbolonœe, a kpa dœœdœœ akanga nene yœe tshe djerœendœe ekperœe nœe azœe ye.

Ndjaba za Yisu Kristu tœe Gbozu tshapa œerœe kœe

¹⁵ Kristu za tshatshu Ndjaba á uzu bale wuwu she nene, œeshe kœedœe Eya Gbolo nœe Ndjaba á tshe ropa azu œedœe pe œerœe para kœkœe á tshe mbœerœe.

¹⁶ Gbambœnœe nene, Ndjaba mbœerœe œerœe kœe lœe awa nœe ye, œerœe á sœe bœalafo œedœe bœa ati, œeneke á a sœe kœewutœe nœe dœe pe œeneke á a sœesœe kœewutœe nœe nene, dœe gbœgbœ kœe œedœe ndje ishiri kœe á sœe bœata agbozu lœe yugu dœe pe tshaati. Ndjaba mbœerœe lima œerœe kœe lœe awa nœe Kristu adœeke œerœe kœe sœe mbœerœe she.

¹⁷ Ataa tshe sœe utshu œerœe kœe yœe œerœe kœe á li kœesœe toenœe, ka mbœerœe she.

¹⁸ Tshe kœdœ ndje Gbozu nœ Ikrizia, œshe kœdœ kumu Ikrizia, Ikrizia kœdœ undu ye, tshe kœdœ ali uzu, tshe kœdœ ali uzu á tshe she lœ kuzu ugurutœ akuzu; Mbœrœ tœnœ dá tshe wuta Gbozu pa œrœ kœ á Ndjaba mbœrœ.

¹⁹ Gbambanœ nene, Ndjaba dœ tœ ye dá yi lima ndœ nœ adœke Kristu za angwa œne djigi.

²⁰ Lœ awa nœ Kristu, Ndjaba gbe ndje lima kœgi ayo ga ugurutœ ye dœ œrœ para kœkœ á tshe mbœrœ. Adjapu adœke lœ awa nœ kuzu Gbolo nœ ye lœkœ á indji ye tu pa kurushi, tshe guma tshaguru tœ ye dœ œrœ kœ á sœ ɓalafo dœ ɓa ati.

²¹ Yé e'e ndje, 'e sœ lima lœ ingirinœ tœ Ndjaba, 'e dœ lima azu kœyiangba ye mangba ekperœ á 'e sœ lima kœgbe dœ tœnœ á sœ ndje kœmbœrœ tœnœ.

²² Kashe ngœngœ asœke, lœ awa nœ kuzu á wo œkœ Gbolo nœ ye, Ndjaba guma tshaguru tœ ye dœ 'e adœke 'e te ayerœ azu neke á endje li tœ ala ye.

²³ Œ li adœke 'e tepa kœyindœrœ nœ 'e ngbiri, uzu bale fafara 'e nene. 'E za kolœ lœsu 'e ga tœ œtshœrœnœ á Ndjaba gumasœ nœ kate 'e ɓata á 'e dji lima lœ Œtshœ O'o. Œtshœ O'onœ asœmœ, endje yisœ nœ fœ azu kœ pa œshœ, yé œtœnœ dá œmœ dœ Polo wuta ayi akwa mbœrœ kœyisœ nœ.

Akwa nœ Polo lœ Ikrizia

²⁴ Ngœngœ asœke, mœ sœ dœ yanga mbœrœ oyo á mœ sœ kœwu tœnœ tœ upu nœ 'e. Gbambanœ nene, oyo á mœ sœ kœwu lœ œkœ mœ asœke te ga lœ kumu œneke á Kristu wu lima. Mœ yindœ kœza oyœnœ mbœrœ œtshœrœ nœ Ikrizia á dœ undu ye.

²⁵ Mœ te ayi akwa lœ Ikrizia mbœrœ á Ndjaba za mœ adœke mœ mbœrœ akwa ugurutœ 'e. Tshe vwa mœ adœke mœ gbara o'o ama ye djigi.

²⁶ Æ yindœ kæpa adœke: O'o á Ndjaba sœ kæza yiwa tœnœ ɓalima katshatsha tœ azu. Ngɔngɔ asœke, tshe sœ kæyisœ nœ fœ azu á tshe ke endje.

²⁷ Ndjaba yi lima ndœ kæyisœ nœ fœ azu adœke, œrœ á œne za yiwa tœnœ asœmœ kœdœ egerœ œrœ á ropa œrœ kɔ, yé á dœ mokɔ á sœ ɓa ugurutœ angbi azu. O'onœ á zatœ ye yiwatœnœ asœmœ kœdœ: Kristu sœ ugurutœ 'e yé dœ awa nœ ye, 'e ngbɔtœ 'e dœ she bale lœ mokɔ nœ Ndjaba.

²⁸ Ataa, Kristunœ asœke dá 'a sœ kæpandœ o'o nœ ye. 'A sœ kœmi upu fœ uzu dœ uzu, œ sœ kæyisœ œrœ lœ kœwusœtœ kɔ adœke á guma endje dœ endje ngbɔtœ endje bale dœ Kristu yeka á endje kœgerœ lœ kæyindœrœ.

²⁹ Mbœrœ tœnœ ataa, mœ sœ kœmbœrœ akwanœ yé œsœ kœnga koshe dœ gbɔgbɔ nœ Kristu, œtœnœ dá sœ kœmbœrœ akwa lœ mœ dœ gbɔgbɔ.

2

¹ Mœ yindœ nœ adœke 'e wusœ mara ɔgbɔ koshe á mœ sœ kœnga tœ upu nœ 'e, tœ upu nœ azu Lawudukiya œdœ pe tœ upu nœ endjeneke kɔ á endje wuwu damba mœ nene.

² Mœ sœ kœmbœrœ ataa mbœrœ á 'e kœshi gbi, mbœrœ á 'e kœsœ kæyindœtœ 'e dœ lɔsu 'e bale. Mœ yi ndje ndœ nœ adœke Ndjaba to kane ye ga pa 'e yeka á 'e kœsœ dœ kœwusœrœ neke á li dœ kœwusœ adja o'o nœ Ndjaba á zatœ ye yiwatœnœ: O'onœ á zatœ ye yiwa tœnœ asœmœ kœdœ Kristu dœ tœ ye,

³ á kœwusœtœ kɔ sœ ɓa ndœ ye. Œshe dá sœ kœkɔrɔ awa nœ kœwusœ œrœ fœ azœ

⁴ Mœ pa o'onœ asœ fœ 'e mbœrœ adœke anga uzu bale kpa kœfafara 'e dœ undú o'o nene.

⁵ Ataa mœ gugu ugurutœ 'e nene gbaa, lœsu mœ sœ ɓa ndœ 'e. Mœ sœ dœ yanga kœwu mara á 'e ka ngbiri yé á sœ kœshi gbigbigbi lœ kœyindœrœ nœ 'e ga ndœ Kristu.

Kristu za ɔtshɔ soro fœ azœ

⁶ Ataa, ɓata á 'e yindœ nœ adœke Yisu Kristu dœ Gbozu nœ 'e asœmœ, 'e ngbœtœ 'e bale dœ she ɔlɔ dœ ɔlɔ.

⁷ 'E li ga lœ ye ɓata á eshe ɔyɔ œ li ga lœ ɔshɔ yé 'e za soro djigi ga tshakane ye. 'E shi ngbiri lœ kœyindœrœ nœ 'e ɓata mara á endje yi lima sœ nœ fœ 'e, yé œ sœ kœgi ɔtshœrœ fœ Ndjaba ɔlɔ dœ ɔlɔ.

⁸ 'E sœ dœ gbɔdjela adœke uzu bale fafara 'e dœ kœwusœtœ nœ wala á sœ gbambanœ nene. Mara o'onœ asœmœ œ ka kolœ ga pa gbetshelœ nœ azu œdœ ga pa gbɔgbɔ nœ ishiri tshapashɔ; kashe œ kaka ga pa Kristu nene.

⁹ Gbambanœ nene, undu Ndjaba djigi sœ lœ Kristu;

¹⁰ yé 'e gbɔ soro djigi lœ awa nœ kœngbœtœ 'e dœ she. Œshe kœdœ Gbozu nœ ishiri kɔ á sœ dœ gbɔgbɔ.

¹¹ Lœ kœngbœtœ 'e bale dœ Kristu, tshe wa 'e tœ gaza. Gazanœ asœmœ dœdœ œneke á azu sœ kœwa tœnœ nene, kashe œtœnœ kœdœ gaza á to ɓa ndœ Kristu yé á gi 'e lœ ekpe ɔtshɔ 'e lima utshunœ.

¹² Lɔkɔ á 'e gbɔ lima batisimu, œ sœ ɓata endje shi 'e awa bale dœ Kristu yé 'e she ndje awa bale

dœ she mbœrœ á 'e sœ dœ kœyindœrœ ga tœ gbɔgbɔ nœ Ndjaba á she lima she lœ akuzu.

¹³ Utshunœ, 'e tshu lima lœ ishiri mbœrœ á 'e sœ lima kœmbœrœ ekperœ œdœ pe mbœrœ á 'e dœdœ lima azu nœ Ndjaba nene*. Ngɔngɔ asœke Ndjaba she 'e lœ kuzu awa bale dœ Yisu Kristu, yé œ djerœndœ ekperœ nœ azœ kɔ ye.

¹⁴ Utshunœ, a yo lima dœ ngbanga mbœrœ á a tsha lima upu kœmbœrœtœ azœ lindœ awa akwa nœ Ndjaba, kashe Ndjaba wo mbeti á wa lima ngbanganœ ga tœ azœ, œ za ekperœ lœ kumu azœ œ za ga pa kumu Kristu lɔkɔ á tshe tshu pa kurushi.

¹⁵ Ishiri kɔ á sœ lima dœ gbɔgbɔ, Ndjaba gbɔtœ gbɔgbɔnœ yé œ ko ishirinœ kɔ ga tœ ala azu, lɔkɔ á tshe i endje dœ djingiri á sœ kœna dœ endje mbœrœ kœma adœke, œne ropa endje lœ awa nœ kuzu Kristu pa kurushi.

¹⁶ Ngɔngɔ asœ, uzu bale wawa ngbanga ga pa 'e tœ upu nœ kœziœ too kœndjorœ nene. Œdœ tœ upu nœ olo angbo too olo kœwuta tafo yapu too ndje tœ upu nœ olo kœyatœ osho, uzu bale wawa ngbanga pa 'e nene.

¹⁷ Alœmœ para kɔkɔ sœ kœma kolœ ishiri œrœ á wuta má lima, kashe adjapunœ kœdœ Kristu.

¹⁸ Uzu bale mbœmbœrœ adœke 'e yo nene! Anga azu sœ kœdu okoro endje lœ kœzatœ endje ga ati yé á sœ kœpa adœke azu donga aandjelu. Endje sœ kœzatœ endje kolœ ga tœ o'o neke á na ga lœ ɔkɔɔ endje lœ ulu. Mara azunœ asœmœ sœ dœ egerœ kumu waa lœ kœwusœrœ nœ ɔkɔ nœ endje.

* **2:13** Azu nœ Ndjaba nene: Œ yindœ kœpa adœke azu á endje wawa gaza nene

¹⁹ Azunœ asœmœ nɔ̃ɔ̃ngbɔ̃tœ endje dœ Kristu á tshe dœ kumu Ikriزيا nene. Kashe Kristu dá to kœziroœ fœ azu Ikriزيا, á sœ kœmbœroœ adœke endje nɔ̃ɔ̃tœ endje ga tœ nœ bale yeka á kœgerœ ɓata á Ndjaba yindœ nœ.

Kœtshu œdœ kœshe awa bale dœ Kristu

²⁰ Bata á 'e tshu awa bale dœ Kristu á wuta tshakudu gbɔ̃gbɔ̃ nœ ishiri tshapashɔ̃, mbœroœ gade á 'e sœ kœmbœroœtœ 'e ɓata 'e soepe azu nœ tshapashɔ̃ á sœ kœyindœ mara o'o atamœ a? 'E yindœ nœ adœke endje pa fœ 'e adœke:

²¹ «Zaza œroœ asœ nene, zizi œroœ asœ nene, yé tuturutoœ œneke nene.»

²² Alœmœ kɔ̃, kolœ mbœroœ œroœ á œndœ nœ œ di nene. Azu dá guma awa akwanœ asœmœ kɔ̃ yekane á yisœ nœ.

²³ Œ dœ adjapu adœke awa akwanœ asœmœ matœ ye ɓata œnœ kœwusœtœ, mbœroœ œ sœ kœza awa fœ azu adœke endje donga Ndjaba dœ mara á endje yindœ nœ, endje sœ kœzatœ endje ga ati yé œ sœ kœmbœroœ œroœ kanga ga tœ ɔ̃kɔ̃ endje. Kashe œ dœdœ toœnœ dá kɔ̃ uzu tœ kœsœ dœ ogo œroœ á tshe yindœ nœ nene.

3

¹ Bata á Ndjaba she 'e lœ kuzu awa bale dœ Kristu, 'e para awa kœgbɔ̃ œroœ tshalafɔ̃ ɓa tœ osho á Kristu sœ toœnœ ga pa kuni Ndjaba.

² 'E gbe kolœ dœ œroœ tshalafɔ̃. Adja 'e kpa gbegbe dœ œroœ tshapashɔ̃ nene.

³ Gbambanœ nene, 'e wuta ɓata azu á endje tshu yé soro 'e zatœ ye wutoœnœ awa bale dœ Kristu ɓa tshakane Ndjaba.

⁴ Kristu kœdœ soro nœ 'e. Lɔkɔ á kœsœ adœke tshe kpa kwatœ ye, 'e wuta ndje awa bale dœ she lœ mokɔ nœ ye.

A katœ ongboro ɔtshɔ azœ ti

⁵ Mbœrœ tœnœ ataa, 'e wo ogo œrœ tshapashɔ á sœ tœ lɔsu 'e, ɓata kœmbœrœ angba budu, kœmbœrœ œrœ uburu, kœmbœrœ œrœ tshula, ekpe gbetshelœ œdœ kœsœ dœ ogo kœgbɔ ukpulu œrœ, gbambanœ nene, ogo kœgbɔ ukpulu œrœ sœ ɓata kœdonga anga andjaba.

⁶ Œrœnœ para kɔkɔ asœke sœ kœgbota ókó nœ Ndjaba ga tœ azu á endje vwaratœ endje tœ kœdji O'o ama ye.

⁷ E'e ndje, ɔlɔ á 'e sœ lima pe kœro manda ogo ekperœnœ asœke; 'e mbœrœ ndje lima tœ 'e ɓata azunœ asœmœ.

⁸ Kashe ngɔngɔ asœke 'e katœ ongboro ɔtshɔ 'e asœmœ ti: kœsœ dœ ókó, kœoma dœ o'o œdœ kœsœ dœ ogo kœmbœrœ ekperœ ga tœ azu, kœpa ekpe o'o ga tœ uzu œdœ pe kœpa o'o tshula.

⁹ 'E fafaratœ 'e ugurutœ 'e nene mbœrœ á 'e katœ ongboro ɔtshɔ 'e lima ti ye,

¹⁰ yé 'e wuta adja atafo azu. Ndjaba á tshe mbœrœ adœke 'e wuta atafo azu asœmœ, tshe sœpe kœmbœrœ tœ 'e dœ mara adœke 'e wuta ɓata œne yé 'e wu ndje sœ œne dœ ɔtshɔnœ.

¹¹ Ngɔngɔ asœke, œrœ á kurutshelœ Ayuda dœ angbi azu kpa gugu nene, œdœ azu á endje wa gaza œdœ endjeneke á endje wawa gaza nene, a sœ awa bale. Œdœ kara, œdœ uzu á tshe wuwusœ œrœ nene, œdœ kanga œdœ uzu neke á tshe dœdœ kanga nene a sœ bale tœ ala Ndjaba. Kolœ

Kristu bale á tshe sœ ga pa œrœ kɔ, œshe dá sœ dœ azœ para kɔkɔ.

¹² Ndjaba ke 'e ɔalima katshatsha yé tshe yindœ 'e, e'e kœdœ adja azu nœ ye. Mbœrœ tœncœ ataa, 'e wu oyo anga 'e yé œ sœ dœ ɔtshɔ lɔsu ga ndœ endje. 'E zatœ 'e ga ati, œ sœ dœ lɔsu ziti œdœ ugu lɔsu.

¹³ 'E sœ ndje dœ kœru lɔsu ugurutœ 'e. Œ kœsœ adœke anga uzu sœ dœ o'o ga tœ yangancœ, 'e djitœ 'e dœ œ djerœndœ ekperœ nœ anga 'e ugurutœ 'e dœ tœ 'e. 'E mbœrœ ɔata Gbozu; gbambancœ nene, œshe ndje tshe djerœ lima ndje ndœ ekperœ nœ 'e.

¹⁴ Lœncœ kɔ, œrœ á ropa nœ kœdœ adœke: 'e yindœtœ 'e, mbœrœ kœyindœsho dá ngbɔɔa 'e ga tœ œsœncœ bale.

¹⁵ Kaka adœke kœsœ gee nœ Kristu za osho tœ lɔsu 'e. Gbambancœ nene, Ndjaba ke lima 'e adœke 'e ngbɔɔa tœ 'e ga tœncœ adœke 'e wuta uzu bale yé œ sœ dœ kœsœ gee ugurutœ 'e. 'E za kolœ mershe fœ she.

¹⁶ Kaka adœke o'o ama Kristu œdœ pe ɔtshɔrœ lœ nœ djigi sœ tœ lɔsu 'e: 'e yisœ œrœ ugurutœ 'e, œ gbagbaratœ 'e ugurutœ 'e dœ kœwusœtœ kɔ. 'E ɔi itshi kœdonga Ndjaba dœ lɔsu 'e djigi. 'E za mershe fœ she, œ ɔi itshi á to lœ ɔtshɔ Ishiri.

¹⁷ Œneke kɔ á 'e pa, œdœ œneke á 'e gbe kœmbœrœ tœncœ, 'e mbœrœ dœ i'iri Gbozu Yisu yé œ gi mershe fœ Ndjaba Aba dœ awa nœ ye.

Tafo mara kœsœ nœ azu nœ Kristu

¹⁸ E'e dœ ayashe, 'e lisœ aakɔ 'e ɔata œ li tœ ala Gbozu.

¹⁹ E'e dœ ayakoshe, 'e yindœ aawo 'e yé 'e sœsœ dœ ɔgbɔ lɔsu ga tœ endje nene.

²⁰ E'e dœ agbolo, 'e dji o'o ama ayi kœzu 'e lœ œrœ kɔ gbambanœ nene, asœmœ dá za yanga fœ Gbozu.

²¹ E'e dœ aaba agbolo, adja 'e zaza awa adœke agbolo nœ 'e so ókó, œ mɔ lœ gbetshelœ nœ endje nene.

²² E'e dœ akanga, 'e dji o'o ama agbozu tshapa 'e lœ œrœ kɔ. 'E mboembœrœ asœmœ mbœrœ á endje sœ kœwu 'e tœ kœza yanga fœ endje nene, kashe 'e mbœrœ atamœ dœ ɔtshɔ lɔsu tœ kœkpa awa Gbozu.

²³ Akwa para kɔkɔ á 'e mbœrœ, 'e mbœrœ dœ lɔsu 'e djigi ɓata 'e sœ kœmbœrœ fœ Gbozu, kashe œ sœsœ adœke 'e sœ kœmbœrœ fœ azu nene.

²⁴ 'E wusœ nœ adœke, Gbozu œ to œrœ tshamanda akwanœ á tshe guma fœ azu nœ ye fœ 'e. Gbambanœ nene adja ayengɔ 'e á 'e sœ kœmbœrœ akwanœ fœ she kœdœ Kristu.

²⁵ Kashe uzu á tshe sœ kolœ kœmbœrœ ekperœ, tshe gbɔ o'o manda ekperœ nœ ye asœmœ, mbœrœ Gbozu keke azu dœ kœwu tshatshu endje nene.

4

¹ E'e dœ agbozu, 'e mbœrœ œrœ á sœ ndjii, yé á sœ dœ awanœ ga tœ akanga nœ 'e. 'E wusœ nœ adœke 'e sœ ndje dœ Gbozu pa 'e ɓa lafo.

Kœmi upu

² Adja 'e kakatœ kœza avwala nœ 'e fœ Ndjaba ti nene. 'E kœsœ kœza avwalanœ, ala 'e gbɔ, yé 'e gi kolœ mershe fœ Ndjaba.

³ 'E za ndje avwala nœ 'e tœ 'a adœke, Ndjaba kɔrɔ awa fœ 'a tœ kœgbara o'o ama ye, o'o nœ

Kristu á zatœ ye wutoœnœ á mœ li kánga mbœrœ toœnœ.

⁴ 'E za avwala nœ 'e fœ Ndjaba adœke, mœ gbara œeneke ndjii бата á li dœ mœ kœmbœrœ toœnœ.

⁵ Ala 'e gbœ lœ kœsœ 'e ugurutœ azu á endje yiyindœ Yisu nene. Œdœ 'e kœgbœ awa tœ kœmbœrœ otshœrœ fœ endje, 'e mbœrœ œeneke á li dœ 'e kœmbœrœ toœnœ.

⁶ Kaka adœke o'o ama 'e ga tœ endje бата rœgo á li dœ ama uzu, yé 'e wusœ kœgi o'o á li tœ kœgi fœ uzu dœ uzu.

Ndangba o'o

⁷ Aya mœ dœ Tishike á mœ yindœ ye dœ lœsu mœ bale, œshe dá pandœ o'o nœ mœ kœ fœ 'e. Tshe sœ kœzatœ ye mbœrœ akwa nœ Gbozu dœ lœsu bale, tshe kœdœ yanga mœ lœma akwa.

⁸ Ádánœ á mœ vwa she fœ 'e kœdœ adœke tshe mindœ mara á 'a sœ dœ toœnœ ba ke fœ 'e yeka á kœza kœru lœsu fœ 'e.

⁹ Endje ro tœ awanœ dœ Onezime, aya 'a á 'a yindœ ye waa á tshe sœ kœmbœrœ akwa dœ lœsu bale. Tshe kœdœ uzu nœ 'e, endje bibisha dá mindœ œrœ á sœ kœmbœrœœtœ ye ba ke fœ 'e.

¹⁰ Aristarke dá sœ œnœ ye lœ kánga awa bale dœ mœ. Tshe vwa abala fœ 'e, dœ Marke yiwu Barnabase. 'E dji o'o dœ otshœnœ tœ upu nœ Marke, œdœ tshe kœwuta ga ndœ 'e, 'e za osho kœsœ fœ she.

¹¹ Yisu á endje e ndje i'iri ye Yustushe vwa ndje abala fœ 'e. Ugurutœ Ayudanœ á endje te ayindœ Yisu, kolœ endje dá sœ kœti kane mœ lœ akwa nœ ogo nœ Ndjaba yeka á sœ kœza kœru lœsu fœ mœ.

¹² Epafraze á tshe doé uzu noe 'e kpa vwa ndje abala foe 'e. Æshe koedoe ayi akwa noe Kristu Yisu á tshe momo toe koeza avwala noe ye foe Ndjaba toe 'e nene adoeke, 'e ka ngbiri bata azu á endje li yeka á koembæroe æroe para koka á Ndjaba yindoe noe.

¹³ Adja moe wu mara á tshe soe koezetoe ye ndoe akwa mbæroe 'e, doe azu loe Lawudukiya œdœ pe endjeneke á endje soe loe Hierapolise.

¹⁴ Monganga Lukasi, yanga azœ œdœ pe Demasi, endje vwa abala foe 'e.

¹⁵ 'E za abala foe aaya œdœ ayingo loe Yisu á endje soe ba loe Lawudukiya, doe pe yingœ azœ doe Nifa œdœ ayindœ Yisu ko á endje ngboba toe endje basœnda noe ye.

¹⁶ 'E koedi mbetinoe asœke œ koeka, 'e vwa ndje foe azu Ikrizia loe Lawudukiya adœke ayindœ Yisu ba zœ di ndje. 'E di ndje mbeti á moe su foe azu Ikrizia noe Lawudukiya á endje vwa foe 'e.

¹⁷ 'E pa foe Arkipe adœke: gbœndœ akwa á Gbozu za foe boe yeka á boe koembæroe doe otshœnoe.

¹⁸ Æmœ Polo, moe vwa abala foe 'e. Mœ soe kœsu abalanœ asœke doe adja kane moe doe toe moe. 'E gbe doe moe loe kánganœ á moe soe loenœ asœke kane.

Kaka adœke Ndjaba ma otshœ losu noe ye ga ndœ 'e.

Mono
Mono New Testament

copyright © 2020 Wycliffe Bible Translators, Inc. and ACOTBA-SUBO

Language: Mono

Contributor: Association Congolaise Pour la Traduction de la Bible et
Alphabetisation - Sukisa Boyinga

All rights reserved.

2025-05-14

PDF generated using Haiola and XeLaTeX on 14 May 2025 from source files
dated 14 May 2025

fe1a9e91-0d4a-5969-816d-e467ff6cc983